

Д
512

ВЯЧЕСЛАВ БАБИН

**ӨКТӨ
КОЛЯ
КОЛЯОЗ**





94
96
11

А
Б12

Вячеслав Бабин

ÖKTÖ КОЛЯ КОЛЯОЗ



КЫВБУРЬЯС



Сыктывкар
Коми книжной издательство
1993

345677

Коми республиканская
ДЕТСКАЯ БИБЛИОТЕКА
имени С. Я. Маршала

84.2Рос 6—4
Б 93



4803310200—013
Б М 128 (03)—93 23—93 М

ISBN 5-7555-0432-6

С Бабин В. Л., 1993
С Гаранин А. М., иллюстрации, 1993
С Коми книжной издательство, 1993

Вадорын

Домсьыс мыніс батылөн пыж,
И ме вөтчи-келі.
Пыжыс дзибрөс, быттьо кыш,
Полан босътны пелыс.
Но ме пелысөс эг лэдз,
Эски: берег воас.
Батьо шуис: молодец,
Бур морякөн лоан!

Воккөд

Менам киясын букварь,
Лыддьысьны нин кужа.
Парта сайо таво ар
Ме детсадйысь вуджа.
Школа дорөдз ыджыд вок
Кольодас быд асыв.
Төдө туйсө сылөн кок —
Ветлө коймөд классө.





Гөгөрвои

Кодыр өткөн муні вөрті,
Аддзи: кыз пу нора бөрдө,
Сөстөм синва тюрө муө,
И ме коньөр пулы шуи:
— Сэсса мөдысь вөрад
Турун сі ог вөрөд.
Ставыс, мый тан олө,
Дойдөмысь өд полө.

Ю вылын

Пемдіс енэжыслөн сер,
Лоис мугов рөма.
Визьөн-визьөн мунө зэр
Миян весьтөд сөмын.
Дугдам батькөд кыйны ком,
Көть и сійө шедө.
Зэрсыйс сайөдыштас чом
Кобышттөдзыс медым.
Бипур дорын шойччигмоз
Йөршысь юква пуам,
Но а комнас тырөм доз
Мамлы гортө нуам.

Визяорда

Кодкө лэбыштіс быттьө борда
Пуысь пуө.
Тайө, вөлөма визяорда,
Он нин суөд.
Да и суөдны сійөс мыйла,
Ог жө кый-а?
Татшөм мичлунсө код нө лыйлө,
Код нө кыйө?
Водзө нуөдө төдтөм ордым
Ягъяс дінті,
Мойдө өдзөс кысь визяорда
Бөжнас индіс.

Тар

Лымйыс важөн абу,
Со нин потө гар.
Кыз пу вылын тшапа
Пукалө сьөд тар.
Кургө крукыль бөжыд:
— Гожөм — тайө бур-р,
Вөр-ва сэки чөжө
Төвбыд кежлө нур.





Оркестр

Мыла горөн юргө вөр:
Сюмөд буксан пөльтө көр,
Төштшө мырө гындө көч,
Дзужгө зөридз корйөн лөдз.
Визяорда босьтис ордас
Төвсө вундысь бадь пу вож.
Конда пуысь төрыт гортас
Брунган лөсьөдөма ош.
Ворсө коді кызди кужө —
Тадзи мыла горыс чужө.

Отсасьысь

Ньөби пызь и ньөби ма,
Вый да йөв тшөтш вайи.
Төда: праздник кежлө мам
Дасьтө ставсө тайөс.
Мамлөн луныс водзын ме
Пелькөдчи и гортын,
Кадыс тырмас сылы мед
Номсөдлыштны тортөн.




Уджач ныв

Ичӧт Маша тӧдӧ важӧн,
Кыдзи пуны шyd и рок.
Нылыс мян аслас киӧн
Вурӧ кизь и чышкӧ ёг.
Мамыс-папыс радӧсь:
Гортын век пӧрадок.

Асыв

Шарик тьявзӧ: ав, ав, ав!
Мурзик нявзӧ: няв, няв, няв!
Чибук гӧрдлӧ: го, го, го!
Чипан котсьӧ: ко, ко, ко!
Полюк Машка помся кашкӧ,
Йӧрын кылӧ: рук, рук, рук.
Ставныс виччысьӧны, гашкӧ,
Кытчӧдз сӧян ме ог юк.







Ўшкамёшка

Ўшкамёшка Эжва юысь
Кобём бёрын васё юис.
Та вёсна эз ту
Зёрсьыс миян ю.



Войын

Тöлысьлөн лайканын кодзупи узис,
Кымөрлөн шебрасын аддзис ун...
Төвруыс эшкынсө кыскис гусьон,
Лоис сэк ывлаын быттё лун.



Асланыс

Ыджыд мамкөд ломтим пач,
Няньшом таөдз көтім,
Выйөн мавтим уна рач,
Пөжавны мед көвдум.
Пөжасигчөж Мурзик кань
Велөдны эз дугды:
— Няньыд лоө нөшта шань,
Вылас нөк кө пуктам.

Мудермис

Ичөтик Андрияша
Мудеритны кужө:
Кынөм пө оз сюмав,
Колө мыйкө юмов.
Аппетитөс, мамө,
Менсьым восьтас камө.




Козин

Батьё козин вайис —
Выль велосипед,
Школаад пö тайён
Одйö ветлн мед.
Мамлөн жалыс петис:—
— Миян муса пи
Ассьыс мудзтис медым
Ичöt кок да ки?!
Дас кык на öд сылы,
Кага на öд дзик.
Бурджык, ньобам пилы...
«Ява» мотоцикл.

Водзвыв

Аски мунам вöравны,
Тöда: мудза сэн.
— Батьё, ог-ö сьöраным
Улöс босьтöй мен?



Ылаліс

Өктө Коля коляоз,
Сирөссьёма кийс.
Ок тэ, Коля, вильышпоз,
Коляозыд абу оз,
Абу юмов сійө.

«Чемпион»

— Кута котравны быд асыв
И зарядка вөчны век,
Ог ме жалит струба васө,
Медым зырасьыштны сэк.
Ньөба куйм пудъя гира,
Йөрө сувтөда турник,
Вына мускул пөльта вирөн,
Чемпионөн лоа мирын,
Төда, регыд кадөн дзик.
Зарни кубок мырддя сюся,
Майбыр, лоа винёв, ён,—
Тадзи гора сөрис, узиг,
Шкоргөм кузя чемпион.

Исласис

Нормом Стёпа
Лымйод собо,
Киас чегом лыжи пов.
А мод полыс
Пышйис чола,
Медым Стёпа оз нин сов.


Кынмысь Төрө


Төрө нима төрөкан
Паччөр вылын олө.
Лунтыр мышсө пөжө тан,
Көдзыдысь зэв полө.
Йиа гын сапөгөс кор
Пукта паччөр шөрө,
Корсьө пачысь потастор
Гегдысь-тирысь Төрө.



Көчиль


Тутш-тотш, тутш-тотш —
Вөрын Көчиль заптө потш,
Сюся потшө йөрсө,
Керка водзсө-бөрсө.
Картупельтө, луктө,
Сёркни йөрас пуктө.
Лун-лун градъяс бертө
Морков улө дерт өд.
Тутш-тотш, тутш-тотш —
Көчиль тувъялө нин потш.
Сэсса уджач көчыс
Мастеритө өдзөс:
— Пырөй, гөстьяс, сәтi,
Морков ставлы сета.





Ньобасьём

Турки-тарки гургим карё,
Ёрткөд пыравлім базарё.
Корсим ыргөн самөвар,
Бөрйим гырнич, рач и дар,
Гөрлы вороп, чер и краска —
Быдтор төрис тарантасё.
Тюрим ньобөмторнас
Гортё рытладорнас.



Подён

(ворсөм)

Дас, кызь, комын,
Вуджам Эжва вомён.
Комын өти бөрас
Воам кыддза вөрас.
Нелямыныс локтас —
Каям кыркөтш бокті.
Ветымын да кыкас
Туйсё гөра пыкас.
Гөра кайны кутам —
Квайтымынө дудам.
Медым воны сё,
Дыр на мунны лоё.



Юриндалысь

Вадорын	3	Асланысь	10
Воккӧд	3	Мудермис	10
Гӧгӧрвои	4	Козин	11
Ю вылын	4	Водзвыв	11
Визяорда	5	Ылаліс	12
Тар	5	«Чемпион»	12
Оркестр	6	Исласис	13
Отсасысь	6	Кынмысь Тӧрӧ	13
Уджач ныв	7	Кӧчилъ	14
Асыв	7	Ньӧбасьӧм	15
Ӧшкамӧшка	8	Подӧн (ворсӧм)	15
Войын	9		

Бабин В. Л.

Б 93 Октӧ Коля коляоз: Кывбуръяс.— Сыктывкар: Коми книжнӧй издательство, 1993.—16 л. б.

ISBN 5-7555-0432-6

Том поэт Вячеслав Бабин олӧ да уджалӧ Кулӧмдінын. Гижӧ кывбуръяс, медсясӧ зонпоснилы, кӧні тыдовтчӧ быдымысь морт — вильыш да рам, наян да зиль челядь. Автор сідзжӧ петкӧдлӧ посни войтырлысь шуда олӧм да ёртасьӧм.

Вячеслав Бабинлӧн тайӧ медводдза ашӧр книга.

84.2Рос 6—4

Для детей дошкольного возраста

Вячеслав Леонидович БАБИН

СОБИРАЕТ КОЛЯ ШИШКИ

Стихи


На коми языке

Редактор А. В. Тентюков. Художник А. М. Гаранин. Художественный редактор В. Б. Осипов. Технический редактор А. Н. Вишнева

Сдано в набор 6.04.93. Подписано к печати 9.08.93. Формат 70×90^{1/16}. Бумага мелов. Гарнитура «Журнальная». Печать офсетная. Усл. печ. л. 1,17. Усл. кр.-отт. 3,09. Уч.-изд. л. 1,27. Тираж 2100. Заказ № 1720. Коми книжное издательство. 167610, г. Сыктывкар, ул. К. Маркса, 229.

АО «Коми республиканская типография.» 167610, г. Сыктывкар, ул. Первомайская, 70.

345677





15 = 00

